

SESSION GUIDES

Alternative Learning System- Accreditation and Equivalency (ALS-A&E)

**Secondary: Development Of Self And A Sense
Of Community**

Tatak Ng Ating Pagka-Pilipio



USAID
FROM THE AMERICAN PEOPLE



Save the Children®



ASCEND-Mindanao
Assistance for the Comprehensive Educational Development of Mindanao



March 2006

Jointly developed by the DepED BALS and the Save the Children Federation under the ASCEND-Mindanao, a program made possible with the generous support of the American People through the USAID.

Tatak Ng Ating Pagka-Pilipino

Session Guide Blg. 1

I. MGA LAYUNIN

1. Natutukoy ang mga kaugaliang Pilipino
2. Naipaliliwanag kung bakit ang mga nabanggit na katangian at kaugalian ng Pilipino ay nakatutulong sa ating pag-unlad
3. Nasusunod ang mga paraan sa paggawa ng isang mabuting desisyon
4. Nakapagmamalaki sa iba bilang isang Pilipino
5. Naipakikita ang sariling pangunahing kasanayan sa pakikipamuhay

II. PAKSA

- A. Aralin 1 : Ang Katangian at Kaugaliang Pilipino na Nakatutulong sa Pag-unlad
Pangunahing Kasanayan sa Pakikipamuhay :
- B. Kagamitan : Radio cassette at tape – Pinoy Big Brother

III. PAMARAAN

A. Panimulang Gawain

1. Balik-Aral

- Ipaalaala sa mag-aaral ang ilang kaugaliang Pilipino na napag-aralan tulad ng:
 - pagtanaw ng utang na loob
 - pakikisama
 - hiya
 - lakas ng loob o katapangan
 - pagbibigay ng pabor o espesyal na pagtratrato
 - pagtanggap ng lagay
- Kunin ang kanilang reaksiyon tungkol sa mga kaugaliang ito

2. Pagganyak

- Iparinig ang awitin sa Pinoy Big Brother – “Ako’y Pinoy”
- Talakayin ang tungkol sa mensahe ng awit.
- Ipatukoy ang mga katangian at ugali na nabanggit sa awit.
- Ipahambing sa talaan na ginagawa bilang karagdagang gawain noong huling sesyon.
- Ipapili sa talaan ang kanais-nais at hindi kanais-nais

B. Panlinang na Gawain

1. Paglalahad

- Buksan ang Basahin Natin Ito sa pahina 2-6.
- Ipabasa ang diyalogo at talakayin ang pinag-usapan ng Nanay at si Dane.
- Pasagutan ang Magbalik-Aral Tayo sa pahina 6.
- Ipahambing ang mga sagot sa Batayan ng Pagwawasto sa pahina 28.
- Pumili ng magkapareha o partner

2. Pagtatalakayan

- Pabuksan ang Modyul sa pahina 4 at 5 at ipabasa ng may damdamin ng magkapareha ang dayalogo. Pumili pa ng isa na makakasama upang gumanap na announcer sa radio.
- Ipaalaala ang mga panuntunan sa pakikinig at panonood.
- Ipasagot sa mag-aaral ang mga tanong na nakasulat sa papel sa pitong grupo na may kanya-kanyang lider, kalihim at taga-ulat. (Tingnan ang tanong sa pahina 6 at 7.
- Hayaang magkaroon ng talakayan ang bawat grupo.
- Matapos ang talakayan bigyan ng panahon na magbigay ng ulat ang bawat grupo.

3. Paglalahat

- Ipakita at talakayin ang mga larawan sa Subukan Natin Ito, pahina 9 upang maunawaan ang mga katangian, kaugalian ng Pilipino.
- Bilang isang Pilipino pagsalaysayin sila ng reaksiyon nila tungkol sa katangian at kaugaliang ito.
- Ipasagot din ang Subukan natin Ito na nasa pahina 13. Bigyang panahon na bigyan ng pagpapatunay ang kanilang sagot.

4. Pagpapahalaga

- Buksan ang pahina 12 ng Modyul
- Ipasubok ang Moral Grid at ipasagot ang mga tanong dito.
- Ipasuri sa kanila ang kahulugan ng awiting ito sa mga Pilipino.
- Ipaawit ang “Ako Ay Pilipino” ng may damdamin.

5. Paglalapat

- Upang matukoy ang katangian o kaugaliang ipinakikita sa bawat bilang.
- Buksan ang pahina 13 ng Modyul.
- Pasagutan ang mga tanong sa Subukan Natin Ito, pahina 13.
- Ihambing ang mga sagot sa Batayan ng Pagwawasto sa pahina 30.

IV. PAGTATAYA

Basahin ang sumusunod na pahayag. Lagyan ng tama o mali ang patlang.

- _____ 1. Masayahin tayong mga Pilipino sa kabila ng kahirapan.
- _____ 2. Mangutang ka upang makapaghanda tuwing pista.
- _____ 3. Kailangang gumastos ng malaki at magkaroon ng marangyang handaan tuwing pista.
- _____ 4. Maaaring maging masaya kahit kakaunti lamang ang handaan sa pista.
- _____ 5. Nagiging malapit ang pagtuturingan ng mag-aaral kung palaging nagtitipun-tipon.
- _____ 6. Ang pagmamano ay isang magandang kaugaliang Pilipino.
- _____ 7. Ang pananampalataya sa Diyos ay mahalaga.
- _____ 8. Ipinagmamalaki ko na ako ay Pilipino noong manalo si Pacquiao.
- _____ 9. Ang pag-aabuloy ay isang kaugaliang dapat ipagpatuloy.
- _____ 10. Ang pagtulong sa mahihirap at sa mga katutubo ay nararapat lamang.

V. KARAGDAGANG GAWAIN

- Gumawa ng talaan ng mga Katangiang Pilipino na nagiging sagabal sa ating pag-unlad. Sabihin kung bakit ito ay sagabal.
- Talakayin ito sa susunod na sesyon.

Tatak ng Ating Pagka-Pilipino

Session Guide Blg. 2

I. MGA LAYUNIN

1. Natutukoy ang mga katangian at kaugaliang nakasasagabal sa ating pag-unlad kaya nararapat na baguhin
2. Nasasabi ang dahilan at katwiran kung bakit kailangang baguhin ang mga ito
3. Naisasagawa ang pangunguna sa pagtulong at pagpapalaganap ng pagbabagong kinakailangan upang umunlad
4. Naipapamalas ang pangunahing kasanayan sa pakikipamuhay

II. PAKSA

- A. Aralin 2 : Mga Kaugalian at Katangiang Pilipino na Mabubuting Baguhin

Pangunahing Kasanayan sa Pakikipamuhay: Pansariling kamalayan, kasanayang magdesisyon

- B. Kagamitan : Comic Strip, Tula: Bahala Na
Radio Cassette: Tape-Instrumental Praise Music

III. PAMARAAN

A. Panimulang Gawain

1. Balik-Aral

- Ipasagot ang sumusunod na mga tanong:
 1. Anu-ano ang mga katangian o kaugaliang ipinakikita ng mga Pilipino.
 2. Ano ang mga kaugaliang maganda subalit kailangan nang baguhin?

2. Pangganyak

Tula : Bahala Na!

Bahala na, ang sabi ng karamihan
Bahala na, ngayon at kailanman
Bahala na palaging kawikaan
Ano man ang mangyari, Bahala na

- Talakayin ang Tula
 - Anong kaugalian ng Pilipino ang nabanggit sa tula?
 - Ano ang mensahe ng tulang “Bahala Na”?
 - Papaano ito magagawang positibo sa ating buhay?

B. Paglinang na Gawain

1. Paglalahad

- Ipabasa ang Kuwento sa pahina 16.
- Ipaalaala ang panuntunan sa wastong pakikinig.
- Paharapin sa katabing mag-aaral sa gawing kanan.
- Talakayin ang tungkol sa kuwento.
- Pasagutan ang mga tanong na nasa Magbalik-Aral Tayo sa pahina 17.
- Itanong: Kung kayo si Mang Bert, ano ang dapat na ginawa mo? Pagtibayin ang desisyong ito.

2. Pagtatalakayan

- Ibigay ang sumusunod na mga kasabihan na nakasulat sa kartolina sa dalawang pangkat.

Pangkat I

“Huwag mo nang ipagpabukas ang magagawa mo ngayon. Baka ang bukas ay hindi na dumating at maging huli na ang lahat”.

Pangkat II

“Nasa Diyos ang awa, nasa tao ang gawa”

Itanong:

- Anong kaugaliang Pilipino ang nakikita dito. Kailangan bang baguhin ito? Ipaliwanag.
- Ipaliwanag ang ibig sabihin ng:
 - “Mañana habit”
 - Bahala na ang Diyos

b. Ipasuri ang mga larawan sa pahina 18 ng Modyul – sa dalawang pangkat

- Ipasagot ang mga sumusunod na tanong:
 - Ano ang nakikita mo sa larawan?
 - Anong kaugalian ang ipinakikita nito?
 - Saan inihahalintulad ang damo sa larawan?
 - Ano ang mga makikita sa ugaling “Ningas Kogon”
 - Ipaulat ang mga sagot

c. Ipabasa ang komik strip sa pahina 19.

- Ipasagot ang mga tanong sa pahina 20.
- Kunin ang mga kuro-kuro ng mag-aaral. Ipasabi kung ito ay mabuting kaugalian.
- Bigyan ng paliwanang kung bakit?

3. Paglalalahat

- Ipabasa ang Aralin Natin sa pahina 22 at Basahin Natin pahina 23.
- Pabayaang ang mag-aaral ang sumulat ng napag-aralan nilang katangiang Pilipino na maipagmamalaki.
- Pagbigayin din ng mga kaugaliang dapat na baguhin upang makatulong sa pag-unlad.

Gamitin ang Tsart sa pagsagot dito:

Mga Katangiang Dapat Panatilihin/Palaguin	Mga Katangian Dapat Baguhin

4. Pagpapahalaga

Lagyan ng tsek (✓) ang patlang kung ang pahayag ay iniisip at ginagawa mo at ekis (x) naman kung hindi.

- _____ 1. Iniisip kong kasalanan ng mahihirap kung manatili silang dukha.
- _____ 2. Sinisikap kong unawain ang kahinaan ng iba.
- _____ 3. Nahihirapan akong makibagay sa kasamang mahina ang ulo.
- _____ 4. Pantay-pantay ang pagtingin at pakikitungo ko sa mga kasamahan.
- _____ 5. Kung may di-pagkakaunawaan, pinakikinggan ko ang lahat ng panig.
- _____ 6. Pakiramdam ko mas mabuti akong tao kaysa sa iba.
- _____ 7. Tutol ako sa “padrino system”. Hindi ko ito gagawin.
- _____ 8. Kahit hindi bagay sa akin basta susunod ako sa uso.
- _____ 9. Masipag lamang ako sa simula
- _____ 10. Nagsisikap ako na tapusin ang gawain. Hindi ko na ito ipinagpapabukas pa.

5. Paglalahat

- Ipasaloob sa mga mag-aaral ang mga dapat gawin batay sa mga napag-aralang mga kaugaliang nakatutulong at nakasasagabal sa pag-unlad. Himukin ang mag-aaral na magpahayag ng mg katangian na dapat mabago.
 - Ipasulat ang mga natalakay sa kanilang journal.

IV. PAGTATAYA

Isulat ang P kung ang katangian at kaugalian ay dapat pagyamanin at B kung nararapat baguhin.

- _____ 1. Pagmamahal sa pamilya
- _____ 2. Masipag at matiisin
- _____ 3. “Manana habit”
- _____ 4. “Amor Propio”

- _____ 5. Gaya-gaya
- _____ 6. Pagiging masayahin
- _____ 7. Ningas – Kogon
- _____ 8. “Padrino system”
- _____ 9. Tayo-tayo o kanya-kanya
- _____ 10. Filipino time

V. KARAGDAGANG GAWAIN

- A. Isagawa ang mga katangian na nais mong pagyamanin/baguhin
- B. Magsaliksik ng mga kaugalian ng ibang lugar na naiiba sa mga napag-aralan sa araling ito